

中国西南民族史 配布資料

2. 秦漢時代の西南民族

2.1 『史記』卷一百一十六 西南夷列伝第五十六

西南夷君長以什數，夜郎最大；其西靡莫之屬以什數，滇最大；自滇以北君長以什數，邛都最大；此皆魑結，耕田，有邑聚。其外西自同師以東，北至牂牁，名爲嵩、昆明，皆編髮，隨畜遷徙，毋常處，毋君長，地方可數千里。自嵩以東北，君長以什數，徙、笮都最大；自笮以東北，君長以什數，毋駮最大。其俗或土箸，或移徙，在蜀之西。自毋駮以東北，君長以什數，白馬最大，皆氏類也。此皆巴蜀西南外蠻夷也。

始，楚威王時，使將軍莊蹻將兵循江上，略巴、(蜀)黔中以西。莊蹻者，故楚莊王苗裔也。蹻至滇池，(地)方三百里，旁平地，肥饒數千里，以兵威定屬楚。欲歸報，會秦擊奪楚巴、黔中郡，道塞不通，因還，以其衆王滇，變服，從其俗，以長之。秦時常頌略通五尺道，諸此國頗置吏焉。十餘歲，秦滅。及漢興，皆弃此國而開蜀故徼。巴蜀民或竊出商賈，取其笮馬、僰僮、髦牛，以此巴蜀殷富。

.....

及元狩元年，博望侯張騫使大夏來，言居大夏時見蜀布、邛竹杖，使問所從來，曰：「從東南身毒國，可數千里，得蜀賈人市」。或聞邛西可二千里有身毒國。騫因盛言大夏在漢西南，慕中國，患匈奴隔其道，誠通蜀，身毒國道便近，有利無害。於是天子乃令王然于、柏始昌、呂越人等，使閒出西夷西，指求身毒國。至滇，滇王嘗羌乃留，爲求道西十餘輩。歲餘，皆閉昆明，莫能通身毒國。

滇王與漢使者言曰：「漢孰與我大？」及夜郎侯亦然。以道不通故，各自以爲一州主，不知漢廣大。使者還，因盛言滇大國，足事親附。天子注意焉。

.....

上使王然于以越破及誅南夷兵威風諭滇王入朝。滇王者，其衆數萬人，其旁東北有勞漫、靡莫，皆同姓相扶，未肯聽。勞漫、靡莫數侵犯使者吏卒。元封二年，天子發巴蜀兵擊滅勞漫、靡莫，以兵臨滇。滇王始首善，以故弗誅。滇王離難西南夷，舉國降，請置吏入朝。於是以爲益州郡，賜滇王王印，復長其民。

西南夷君長以百數，獨夜郎、滇受王印。滇小邑，最寵焉。


太史公曰：楚之先豈有天祿哉？在周爲文王師，封楚。及周之衰，地稱五千里。秦滅諸侯，唯楚苗裔尙有滇王。漢誅西南夷，國多滅矣，唯滇復爲寵王。然南夷之端，見枸醬番禺，大夏杖、邛竹。西夷後揃，剽分二方，卒爲七郡。

2.2 史記卷一百二十九 貨殖列伝第六十九

.....而巴(蜀)寡婦清，其先得丹穴，而擅其利數世，家亦不訾。清，寡婦也，能守其業，用財自衛，不見侵犯。秦皇帝以爲貞婦而客之，爲築女懷清臺。.....

.....

.....南則巴蜀。巴蜀亦沃野，地饒卮、薑、丹沙、石、銅、鐵、竹、木之器。南御滇、僰、僰僮。西近邛、笮，笮馬、旄牛。然四塞，棧道千里，無所不通，唯褻斜縮轂其口，以所多易所鮮。.....



史料の全文は <http://www.lit.nagoya-u.ac.jp/~maruha/kanseki/> を参照のこと。

2.3 漢書卷二十八上 地理志第八上

犍爲郡，武帝建元六年開。莽曰西順。屬益州。戶十萬九千四百一十九，口四十八萬九千四百八十六。縣十二：樊道，莽曰樊治。江陽，武陽，有鐵官。莽曰戡成。南安，有鹽官、鐵官。資中，符，溫水南至暨入黠水，黠水亦南至暨入江。莽曰符信。牛鞞，南廣，汾關山，符黑水所出，北至樊道入江。又有大涉水，北至符入江，過郡三，行八百四十里。漢陽，都尉治。山關谷，漢水所出，東至暨入延。莽曰新通。郫郫，莽曰孱郫。朱提，山出銀。堂琅。

2.4 後漢書志第二十三 郡国五

永昌郡 明帝永平〔十〕二年分益州置。雒陽西七千二百六十里。八城，戶二十三萬一千八百九十七，口百八十九萬七千三百四十四。

不韋出鐵。 嶺唐 比蘇 櫟榆 邪龍 雲南 哀牢永平中置，故牢王國。 博南永平中置。南界出金。


2.5 後漢書列傳第七十六 南蛮西南夷列傳

哀牢夷者，其先有婦人名沙壹，居于牢山。嘗捕魚水中，觸沈木若有感，因懷姙，十月，產子男十人。後沈木化爲龍，出水上。沙壹忽聞龍語曰：「若爲我生子，今悉何在？」九子見龍驚走，獨小子不能去，背龍而坐，龍因舐之。其母鳥語，謂背爲九，謂坐爲隆，因名子曰九隆。及後長大，諸兄以九隆能爲父所舐而黠，遂共推以爲王。後牢山下有一夫一婦，復生十女子，九隆兄弟皆娶以爲妻，後漸相滋長。種人皆刻畫其身，象龍文，衣皆著尾。九隆死，世世相繼。乃分置小王，往往邑居，散在谿谷。絕域荒外，山川阻深，生人以來，未嘗交通中國。

建武二十三年，其王賢栗遣兵乘箬船，南下江、漢，擊附塞夷鹿芴。鹿芴人弱，爲所禽獲。於是震雷疾雨，南風飄起，水爲逆流，翻涌二百餘里，箬船沈沒，哀牢之衆，溺死數千人。賢栗復遣其六王將萬人以攻鹿芴，鹿芴王與戰，殺其六王。哀牢耆老共埋六王，夜虎復出其尸而食之，餘衆驚怖引去。賢栗惶恐，謂其耆老曰：「我曹入邊塞，自古有之，今攻鹿芴，輒被天誅，中國其有聖帝乎？天祐助之，何其明也！」二十七年，賢栗等遂率種人戶二千七百七十，口萬七千六百五十九，詣越嶲太守鄭鴻降，求內屬。光武封賢栗等爲君長。自是歲來朝貢。

永平十二年，哀牢王柳貌遣子率種人內屬，其稱邑王者七十七人，戶五萬一千八百九十，口五十五萬三千七百一十一。西南去洛陽七千里，顯宗以其地置哀牢、博南二縣，割益州郡西部都尉所領六縣，合爲永昌郡。始通博南山，度蘭倉水，行者苦之。歌曰：「漢德廣，開不賓。度博南，越蘭津。度蘭倉，爲它人。」

哀牢人皆穿鼻儋耳，其渠帥自謂王者，耳皆下肩三寸，庶人則至肩而已。土地沃美，宜五穀、蠶桑。知染采文繡，屬毳帛疊，蘭干細布，織成文章如綾錦。有梧桐木華，績以爲布，幅廣五尺，潔白不受垢汙。先以覆亡人，然後服之。其竹節相去一丈，名曰濮竹。出銅、鐵、鉛、錫、金、銀、光珠、虎魄、水精、瑠璃、軻蟲、蚌珠、孔雀、翡翠、犀、象、猩猩、貊獸。雲南縣有神鹿兩頭，能食毒草。



傳世陽嘉四年朱提銅洗

(出典：汪寧生『雲南考古』雲南人民出版社，1992年)